

Na osnovu člana 4. Odluke o uslovima, postupku, visini i kriterijima za dodjelu Nagrade Grada Tuzle za ostvaren natprosječan uspjeh učenika, studenata i sportista sa područja grada Tuzla („Službeni glasnik Grada Tuzla“, broj: 2/19), Služba za kulturu, sport, mlade i socijalnu zaštitu Grada Tuzle, dana 10.03.2020. godine raspisuje:

JAVNI POZIV
za dodjelu Nagrade Grada Tuzle za ostvaren natprosječan uspjeh učenika, studenata i sportista sa područja grada Tuzle

I

Predmet Javnog poziva je dodjela Nagrade Grada Tuzle (u daljem tekstu Nagrada) učenicima, studentima i sportistima sa područja grada Tuzle, koji su ostvarili natprosječan uspjeh u prethodnoj školskoj/kalendarskoj godini.

II

Pravo na Nagradu imaju aplikanti koji ispunjavaju sljedeće uslove:

a) Opći kriteriji:

- da su državljani Bosne i Hercegovine,
- da imaju stalno mjesto prebivališta na području grada Tuzle.

b) Posebni kriteriji:

Podnosioci prijava na javni poziv	Kriteriji za dodjelu Nagrade Grada Tuzle za ostvaren natprosječan uspjeh
učenici	- da je prethodne školske godine bio redovan učenik srednje škole i da je proglašen učenicom generacije
studenti	- da je u prethodnoj školskoj godini bio redovan student I ciklusa (dodiplomskog) studija, da je položio sve ispite sa najnižom prosječnom ocjenom 9,5, kao i da je izmirio sve obaveze predviđene planom i programom te studijske godine
učenici i studenti	- da su prethodne školske godine bili redovni učenici odnosno studenti i da su osvojili jedno od prva tri mjesta na međunarodnim takmičenjima u oblasti nauke, kulture i drugih društvenih oblasti u pojedinačnoj konkurenciji
sportisti	- sportisti koji su Odlukom Sportskog saveza Grada Tuzle proglašeni za najuspješnije sportiste u prethodnoj kalendarskoj godini

Učenici, studenti i sportisti mogu ostvariti Nagradu samo po jednom od navedenih posebnih kriterija.

III

Prijave na Javni poziv podnose se na prijavnom obrascu kojeg je propisala Služba za kulturu, sport, mlade i socijalnu zaštitu Grada Tuzle. Prijavni obrazac može se preuzeti na zvaničnoj internet stranici (grad.tuzla.ba) ili u Centru za pružanje usluga građanima (šalter sala).

IV

Uz popunjenu prijavu na Javni poziv za dodjelu Nagrade Grada Tuzle za ostvaren natprosječan uspjeh, aplikanti su obavezni dostaviti sljedeću dokumentaciju:

1. fotokopiju uvjerenja o državljanstvu,
2. fotokopiju PBA 3 obrasca kao dokaz prebivališta na području grada Tuzla,
3. fotokopiju tekućeg računa.

Pored navedene dokumentacije aplikanti su dužni dostaviti jedan od sljedećih dokumenata kojima se dokazuje natprosječan uspjeh u prethodnoj školskoj/kalendarskoj godini učenika, studenata i sportista:

1. Učenici - odluku nadležnog organa srednje škole o proglašenju učenika generacije za prethodnu školsku godinu,
2. Studenti - dokaz visokoškolske ustanove da je aplikant u prethodnoj školskoj godini bio redovan student I ciklusa (dodiplomskog) studija, da je položio sve ispite sa najnižom prosječnom ocjenom 9,5 kao i da je izmirio sve obaveze predviđene planom i programom te studijske godine,
3. Učenici i studenti - potvrda (uvjerenje) nadležne obrazovne ustanove da je učenik/student bio redovan učenik/student prethodne školske godine kao i dokaz o osvojenom jednom od prvih tri mjesta na zvaničnom međunarodnom takmičenju u oblasti nauke, kulture i drugih društvenih oblasti u pojedinačnoj konkurenciji za tu školsku godinu,
4. Sportisti - odluku Sportskog saveza grada Tuzla o proglašenju najuspješnijeg sportiste u prethodnoj godini.

V

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (šalter sala):

GRAD TUZLA

**Služba za kulturu, sport, mlade i socijalnu zaštitu
sa obaveznom naznakom:**

**“JAVNI POZIV
za dodjelu Nagrade Grada Tuzla za ostvaren natprosječan uspjeh učenika, studenata i
sportista sa područja grada Tuzla
- Ne otvarati”**

Javni poziv je otvoren **15 dana** od dana objavljivanja, a zaključno sa **25.03.2020.**

Rezultati Javnog poziva će biti objavljeni na zvaničnoj internet stranici Grada (grad.tuzla.ba).

Sve dodatne informacije o načinu i postupku učešća u Javnom pozivu mogu se dobiti svaki radni dan u Službi za kulturu, sport, mlade i socijalnu zaštitu GradaTuzle ili putem telefona: 035 307-414, 307-317 i 307-327, te slanjem pitanja na e-mail adresu: mladi@tuzla.ba.